

Aragti guud oo ka fiican, xataa daryeel ka fiican

Tusmada bukaan socodka qaranka. Fursad cusub oo ay daryeelka caafimaadku ku helayaan maclumaadkaaga.

Sawir buuxa oo ka fiican

Tusmada bukaan socodka qaranka waxa hada tartiib tartiib looga bilaabay Iswiidhan. Waxa hada ay ka shaqeysaa golaha deeganka, dawlada hoose iyo daryeel caafimaad bixiyayaasha gaarka loo leeyahey.

Adigu uma baahnid inaad wax sameysid. Maaha hada xiligan. Laakiin marka xigta ee aad u baahato daryeel, dhakhtarka ama shaqaalaha kale ee daryeelka caafimaadka ayaa ku weydiin kara ogolaanshahaaga inay helaan macluumaad ku dhigan malafkaaga.

Waxaad xaq u leedahey in aanad ku jirin habka tusmada bukaan socodka qaranka. Hadii aad taas dooneyso, waxa masuuliyadaada ah inaad u sheegto shaqaalaha caafimaadka warbixinta ay u baahan yihiin inay ogaadaan si ay kuu siiyaan daryeel fiican oo amaan ah.

Bogga 1177.se/sammanhallen-journalforing ayaa ah meesha aad ka heli doonto dhamaan warbixinta. Waxaad booqan kartaa boggan si aad jawaab uga hesho su'aalaha aad hayso. Waxa kale oo aad ka arki kartaa xiliga bixiyaha daryeelkaaga caafimaadkaagu uu qorsheynaayo inuu adeegsan tusmada bukaan socodka qaranka.



Wax kastaa way isku xidhan yihiin

Waxaad dareemayso waa wax sababo badan ka kooban. Hadii anagu, dadka ka shaqeeya daryeelka caafimaadka, aanu aqoon badan kuu leenahey, waxaanu ku siin karnaa daryeel dhakhso badan oo ka fiican. Taasina waa sababta aanu diiwaanka u kaydino.

Diiwaankaasi waxa ku jira taariikhda daaweyntaada ee uu daryeel bixiye gaar ahi ku siiyey. Hasayeeshee, dhamaan diiwaanada ay daryeel caafimaad bixiyayaasha kala duwani hayaan layskuguma soo ururin meel kaliya. Daryeel nooc kasta oo aad ka heshay mid ka mida daryeel caafimaad bixiyayaasha loogama arki karo si toosa mid kale.

Patientdatalagen (Xeerka Macluumaadka Bukaankasocodka) ayaa hada u saamaxaaya daryeel caafimaad bixiyayaasha iney akhriyaan macluumaadka ku qoren diiwaankaaga. Taas micnaheedu waxa weeye in qofka aad booqatey uu heli karo macluumaadka adiga ku khuseeya, iyadoon loo egeeyn go-laha deegaanka, dawlada hoose ama daryeel caafimaad bixiyayaasha gaarka loo leeyahey ee aad u doonato daryeelka.

Taas waxa loo yaqaanaa tasmada bukaan socodka qaranka. Waxa loo dhisay si ay noogu suurto gasho inaanu si dhib yar u aragno taariikhda daaweyntaada iyo inaad si dhakhso ah u hesho daryeel ficnaan oo ammaan ah.



Adiga shuruudahaaga

Tusmada bukaan socodka qaranku waxay u suurto galineysaa qofka adiga ku siinaaya daryeelka inuu arko nooca daryeelka hore laguu soo siiyey. Tusaale ahaan, waxay arki karaan inaad wax xasaasiyad ka leedahey iyo inaad qaadanayso daawooyin aan la ogoley in lala qaato daawooyin kale.

Kaliya shaqaalaha daryeelka caafimaadka ee kula leh xidhiidhka bukaan socodka ayaa heli kara macluumaadka malafkaaga. Waa inay marka hore ku waydiistaan ogolaanshahaaga.

Ma waxaad dooneysaa inaad tusto kaliya qayb kamid ah macluumaadkaaga, oo aanad dhamaan wada tusin? Waxaad xakameyn kartaa warbixinta malafkaaga ee aanad rabin in la siiyo daryeel caafimaad bixiyayaasha kale. Waa adiga cida go'aamineysa macluumaadka la xakameynaayo iyo xiliga la xakameynayaa intuu leeg yahey. Waxaad dalban kartaa in xakameynta laga qaado markasta.

Adigaa go'aaminaaya.



14 su'aalo ku sabsan tasmada bukaan socodka qarana

Ayaa arki kara macluumaadkeyga?

Shaqaalaha daryeelka caafimaadka oo si sugan loo soo cadeeyey una baahan macluumaadkan si ay kuu siiyaan daryeel fiican oo amaan ah ayaa heli kara tasmada bukaan socodka qaranka. Shaqaalaha daryeelka caafimaadka waa inay xidhiidhka bukaan socod kula lahaadaan adiga oo ay haystaan ogolaanshahaaga.

Sidee ayaan u hubiyaa in sharafteyda la dhowrey?

Shaqaalaha caafimaadka oo si sugan loo soo cadeeyey ayaa akhriyi kara malafkaaga bukaan socodka. Waa inay iyagu kula lahaadaan xidhiidhka bukaan socodka adiga oo ay haystaan ogolaanshahaaga. Waa suurto gal in diiwaan la isticmaala si loo raad raaco cida akhriyatey malafkaaga, iyada oo aad u leedahey xaq inaad aragto diiwaankaas. Daryeel bixiye kastaa waxa uu si nidaamsan u ilaaliyaa diiwaankaas.

Miyaan xakameyn karaa macluumaadka?

Haa, adiga ayaa go'aaminaaya in malafka bukaan socodka la xakameeyo guud ahaan iyo qayb ahaanba waxa ku jira tasmada bukaan socodka qaranka. Waxa kale oo aad go'aamineysaa in ama marka xakameynta laga qaado.

Maxaa dhacaaya hadaan xakameynta ka qaado?

Waxay tasmada bukaan socodka qaranka tusaysaa in macluumaadka la xakameeyey. Waxaad go'aansaneysaa inaad la qaybsato macluumaad la xakameeyey shaqaalaha daryeelka caafimaadka.

Maxaa dhacaaya hadii aan miyir-beelo?

Waxay shaqaalaha daryeelka caafimaadku dalban karaan in "furitaan xaalad deg-deg ah" oo tasmada bukaan socodka qaranka la sameeyo si loo helo macluumaadkaaga. Hasa yeeshee, tan kuma jiraan macluumaadka la xakameeyey oo ku jira daryeel caafimaad bixiye kale. Furitaanka xaalada deg-dega ah waxa si joogto ah u ilaaliya daryeel caafimaad bixiyaha.

Anigu ma doonaayo inaan ka mid noqdo tasmada bukaan socodka qaranka!

Waxaad xaq u leedahey inaanad inaanad ku jirin tasmada bukaan socodka qaranka. Haddii aad taas u sheegto daryeel caafimaad bixiyahaaga, daryeel bixiye kale ma heli karo macluumaadkaaga.

Miyey internetka ku jiraan macluumaadkeygu?

Maya, dhamaan malafiyada waxa lagu kaydiyaa nidaamka ku kooban meesha ee daryeel caafimaad bixiyaha.

Hal bukaan socod - hal xidhmo oo malafyo ah?

Maya. Waxay tasmada bukaan socodka qaranka micnaheedu tahey in dhowr daryeel caafimaad bixiye ay heli karaan midba ma kale macluumaadkiisa haddii adiga bukaan socodka ahi aad siisey ogolaanshahaaga.

Nabad ilaalinta IT-da tee ayaa la isticmaaley?

Xeerka Macluumaadka Bukaan-socodka iyo nidaam-maamuleedkiisu waxay leyihiin shuruudo khaas ah oo ogolaansho rasmi ah iyo maamul helitaanka ah. *Datainspektionen* (Gudiga Baadhista Macluumaadka) ayaa ah maamulka masuuliyadadeeda leh.

Miyaan xakameyn karaa macluumaadka ilmaheya?

Maya, ma xakameyn kartid macluumaadka ku sabsan carruurtaada. Marka ilmahu uu koro ee uu caqliyeysto, waa ay xakameyn karaan iyagu macluumaadka.

Liistada yare ee ereyada

Miyey cid kal ii bixin kartaa ogolaanshaheyya?

Maya, adiga bukaan socodka ah oo kaliya ayaa bixin kara ogolaanshahaaga.

Hadii aad dalka dibadiisa joogo?

Tusmada bukaan socodka qaranka waxay khuseysaa kaliya Iswiidhan.

Miyey ku jiraan macluumaadka daawadeydu?

Haa, macluumaadka daawada waa ay ku jiraan tusmada bukaan socodka qaranka.

Maxaa loo sameeyey tusmada bukaan socodka qaranka?

Sharci dajiyayaashu waxay dooneyaan inay adkeeyaan sharafta, amaanka iyo kalsoonida bukaan socodka. Shaqaalaha daryeelka caafimaadku waxay si ka dhib yar, ka amaansan oo ka dhakhso badan u heli karaan sawir buuxa oo taariikhda daaweyntaada. – taas waxay iyaga u suurto galisaa inay iyagu si dhakhso badan kuu siiyaan daryeel fican oo amaan ah.

Diiwaan

Marka shaqaalaha daryeelka caafimaadku ay akhristaan malafkaaga, waa la diiwaan galiyaa taas iyadoo hadhow dib loo eegi karo. Waxaad xaq u leedahey inaad eegto cida akhridey macluumaadka ku jira malafkaaga.

Furitaanka xaaladadeg-dega ah

Tani waxay u ogolaaneysaa shaqaalaha inay helaan macluumaadka malafkaaga markaana adigu siin Karin ogolaanshahaga. Furitaanka xaalada deg-dega ah waxa si joogto ah u ilaaliya daryeel caafimaad bixiyaha.

Xeerka Macluumaadka Bukaan socodka

Xeer la sameeyey 2008 oo leh sharci isku dhagan oo ku sabsan sida macluumaadka shakhsiga ee daryeelka caafimaadka loo maareeyo. Xeerku waxuu maamulaa sir haynta, tusmada bukaan socodka qaranka, dadka xaqa u leh iney helaan macluumaadka bukaan socodka iyo xuquuqda bukaan socodka ay ku xakameynayaan macluumaadka.

Xidhiidhka bukaan socodka

Marka shaqaalaha daryeelka caafimaadku ay adiga xidhiidh kula sameeyaan iyagoo ku daryeelaaya ama ku daaweynaaya.

Tusmada bukaan socodka qaranka

U ogolaaneysaa daryeel caafimaad bixiyayaasha inay akhriyaan macluumaadka ku dhigan malafka daryeel caafimaad bixiye kale.

Ogolaansho

Markaad haa tidhaahdo oo aad siiso ogolaanshahaaga shaqaalaha daryeelka caafimaadka si ay u helaan tusmada bukaan socodka qaranka.

Xakameyn

Kuu ogolaaneysa inaad xakameyso aanad rabin in ay daryeel caafimaad bixiyayaasha kale arkin.

Daryeel caafimaad bixiyayaasha

Goleha deegaanka, dawlada hoose iyo shakhsiyadka kale ee sharciga ama daryeel caafimaad bixiyayaasha gaarka loo leeyahey ee sameeya adeega daryeelka caafimaadka.

Shaqaalaha daryeelka caafimaadka

Shaqaalaha u shaqeeya daryeel caafimaad bixiyayaasha si ay u maamulaan daryeelka iyo daaweynta.

Ma waxaad rabtaa inaad wax dheeraad ah ogaato? Nala soo xidhiidh!

Meelo kala duwan oo aad warbixin ka heli karto:

1177.se/sammanhallen-journalforing

datainspektionen.se/lagar-och-regler/patientdatalagen

regeringen.se/sb/d/10671